



**Bou ons kinders vir
môre**

**Voorskoolse-
Sondagskool**

Les Titel: Om lief te hê - Jesus het die kindertjies lief

'n Ouerhandleiding
Sondagskooltuisonderrig



Liewe Ouer

Welkom by die les: “Om lief te hê - Jesus het die kindertjies lief”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	<p>Versamel die volgende hulpmiddels om te verseker dat u vir die les gereed is:</p> <ul style="list-style-type: none">• Bybel• Die les in PDF-formaat wat reeds voorberei is• Kind se werkboek, potlode, kryte, ens.• Die kort video, wat 'n addisionele / opsionele hulpmiddel is• Kategismus in Vrae en Antwoorde (veral vir Konfirmasie) <p>Nota:</p> <p>2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou.</p> <p>2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie.</p> <p>2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)).</p> <p>2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.</p>
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Om lief te hê - Jesus het die kindertjies lief
Bybelwoord	Markus 10: 13 – 16
Lesdoelwit	Die kinders leer dat Jesus Christus tyd met hulle wil deurbring omdat hy hulle baie liefhet.

Lesopsomming:

Jesus en sy dissipels het aan groot skares mense getuig. Mammas en Pappas was opgewonde om Jesus te sien en wou hê dat Jesus hulle kinders moes seën. Die dissipels het die Mammas en Pappas berispe(aangespreek) omdat hulle hul kinders na Jesus gebring het. Hulle het gedink dat die kinders Jesus sou pla, maar Jesus het gesê: "Laat die kinders na my toe kom, die Koninkryk van God is vir hulle en almal wat soos hulle is". Jesus wou die kinders seën en tyd saam met hulle deurbring, want Hy wil ook hê dat hulle deel moet wees van God se familie.

Wat beteken hierdie les vandag vir ons?

- Jesus is lief vir en sorg vir alle mense, veral kindertjies.
- Jesus wil hê dat ons vir ons families en vriende moet liefhê en versorg.
- Jesus sal altyd vir ons almal tyd hê.
- Alle kinders soos ons word in die God se familie verwelkom.
- Jesus wys aan ons hoe ons mekaar moet liefhê.

Sommige vrae wat ons kan vra:

1. *Vraag: Waarom het ouers hulle kinders na Jesus gebring?*

Antwoord: Sodat Hy hulle kon seën.

2. *Vraag: Waarom dink jy was Jesus ontevrede met die dissipels?*

Antwoord: Hy wou nie hê dat die dissipels die kinders moes keer om na Hom toe te kom nie, omdat hulle belangrik was. Hy wou tyd saam met hulle spandeer en hulle seën.



3. *Vraag: Behoort die Koninkryk van God net aan volwassenes?*

Antwoord: Nee, ook aan kinders.

4. *Vraag: Dink jy dat dit vir Jesus belangriker was om moeilike vrae te beantwoord as om tyd saam met die kinders te spandeer?*

Antwoord: Nee, Jesus het gestop waarmee Hy besig was om tyd saam met die kinders deur te bring.

'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.